

首創古今對照版

論藏名著選編

〔唐〕李通玄／著

主編／李利安

◎ 整理／楊航

康曉紅

新華嚴經論

伍

- ◎ 即《華嚴經合論》
- ◎ 八十華嚴的權威闡釋
- ◎ 佛教義學的巔峰
- ◎ 晚唐維摩詰李長者的傳世大作
- ◎ 享譽一字增減不得的名著

西北大學出版社

論藏名著選編


主編・李利安

整理・楊航康曉紅

新華嚴經論

[唐]李通玄著

伍



西北大學出版社



图书在版编目(CIP)数据

新华严经论/(唐)李通玄著;杨航,康晓红整理. —西安:
西北大学出版社, 2005. 11

(论藏名著选编/李利安主编)

ISBN 7-5604-2064-8

I. 新… II. ①李…②杨…③康… III. 大乘—论藏 IV. B942.1

中国版本图书馆 CIP 数据核字(2005)第 100825 号

论藏名著选编

新华严经论

作 者:李通玄
整 理:杨 航 康晓红
主 编:李利安

出版发行:西北大学出版社
策 划:书僮图书工作室
地 址:西安市太白北路 229 号
购书电话:029-88302590 84337138
邮政编码:710069
印 刷:陕西地质印刷厂

开 本:880 毫米×1230 毫米 1/32
印 张:75
字 数:912 千字
版 次:2005 年 11 月第 1 版 第 1 次印刷
书 号:ISBN7-5604-2064-8/B·59
定 价:148.00 元(共伍册)

目 录 五

新华严经论卷第三十三.....	(1872)
新华严经论卷第三十四.....	(1916)
新华严经论卷第三十五.....	(1964)
新华严经论卷第三十六.....	(2026)
新华严经论卷第三十七.....	(2090)
新华严经论卷第三十八.....	(2166)
新华严经论卷第三十九.....	(2228)
新华严经论卷第四十.....	(2296)

賢境界。總是文殊法身根本智所成就故。

六爾時彼諸菩薩已下至不離逝多林如來之
所有六十三行經。明諸菩薩以佛三昧光明照故
得如上三昧。及無限大悲無限神通無限饒益眾
生分。已上二十七段經文。總明答前菩薩大眾前
大方廣佛新華嚴經論卷第三十二

後所問四十法門竟。此法界法門。明智體自在以
智力自現。不藉如來口言。又令文殊普賢二人本
位自宣本果之行。令易解故。不迷教之體用。已上
是一部經之始終圓滿。總以法界體收。第二爾時
文殊師利童子已下直至經末已來。爲文殊師利
童子從善住樓閣南行就根利生成行表法。令後
發心者不迷其行。令易開解分。自爾時文殊師利
童子已下名爲就俗利生成行門。已前教中但云
文殊師利。不云童子。明此已下入俗化蒙。以行立
名。便名童子。明已前總約佛果普光明智中。起十
方賢聖以立化儀。卽覺首目首等五位諸菩薩是。
皆通化無方潛顯自在。文殊爲信首不名童子。自
此已下以法界體中入俗草創化蒙約行所行立
名。卽號文殊師利童子。以妙智慧化童蒙入佛智
慧生佛家故。此是三世諸佛始發菩提心。初法身

贤境界。总是文殊法身根本智所成就故。

六尔时彼诸菩萨已下。至不离逝多林如来之所。有六十三行经。明诸菩萨以佛三昧光明照故。得如上三昧。及无限大悲。无限神通。无限饶益众生分。已上二十七段经文。总明答前菩萨大众前(大方广佛新华严经论卷第三十三)*

后所问四十法门竟。此法界法门。明智体自在。以智力自现。不藉如来口言。又令文殊普贤二人。本位自宣本果之行。令易解故。不迷教之体用。已上是一部经之始终圆满。总以法界体收。第二尔时文殊师利童子已下。直至经末已来。为文殊师利童子。从善住楼阁南行。就根利生。成行表法。令后发心者不迷其行。令易开解分。自尔时文殊师利童子已下。名为就俗利生成行门。已前教中。但云文殊师利。不云童子。明此已下。入俗化蒙。以行立名。便名童子。明已前总约佛果普光明智中。起十方贤圣以立化仪。即觉首目首等五位诸菩萨是。皆通化无方。潜显自在。文殊为信首。不名童子。自此已下。以法界体中入俗草创化蒙。约行所行立名。即号文殊师利童子。以妙智慧化童蒙。入佛智慧。生佛家故。此是三世诸佛始发菩提心。初法身

現根本智無性之理妙慧故。一切三世諸佛從此而初生佛家。從此而成就普賢大願行故。何故名爲就俗利生成行門者。已前但云昇天表行成就諸天。未往人間俗中化利。此法界品已前一卷半餘經。但有菩薩聲聞世主已得道者。未有處俗凡夫人此法門。自文殊師利童子從善住樓閣已下。是入人間就根接俗化利凡夫。令其得此法界道理。又令善財童子徧求善知識五十三人。以表五位三種因果法身中根本智。普賢差別智中行。於此二中無所住智名之爲佛。以此三法具足名之爲佛。以此三法徧與五位終始而作因果。名爲乘如來乘。直至道場。亦名乘法界乘。以法界還以此三種因果爲體用故。前後五位因果例然。總以此三法爲因果。此佛文殊師利普賢菩薩與五十箇善知識行而作因果。而自無因果。爲自佛果位中。無所修無所行故。但與五位中修行者作治染淨二障習氣生熟處。說名因果。然法身理智萬行。自無因果。但以五位中加行治惑習氣而立如來因果之名。以文殊師利往詣覺城人間就根教化。令善財起加行位求五十三善知識成一百二十因

现根本智无性之理妙慧故。一切三世诸佛从此而初生佛家。从此而成就普贤大愿行故。何故名为就俗利生成行门者。已前但云升天。表行成就诸天。未往人间俗中化利。此法界品已前一卷半余经。但有菩萨声闻世主已得道者。未有处俗凡夫人此法门。自文殊师利童子从善住楼阁已下。是入人间就根接俗。化利凡夫。令其得此法界道理。又令善财童子。遍求善知识五十三人。以表五位三种因果。法身中根本智。普贤差别智中行。于此二中无所住智。名之为佛。以此三法具足。名之为佛。以此三法。遍与五位终始而作因果。名为乘如来乘直至道场。亦名乘法界乘。以法界还以此三种因果为体用故。前后五位因果例然。总以此三法为因果。此佛。文殊师利。普贤菩萨。与五十个善知识行而作因果。而自无因果。为自佛果位中。无所修无所行故。但与五位中修行者。作治染净二障习气生熟处。说名因果。然法身理智万行。自无因果。但以五位中加行治惑习气。而立如来因果之名。以文殊师利。往诸觉城人间。就根教化。令善财起加行位。求五十三善知识。成一百一十因

果法門。令學者不迷其五位之行使易解故。與後發菩提心者作修行之樣式故。名爲就俗利生成行門。爲與學者成行樣式。令不迷故。更有餘意。至下就位方明。從此就俗利生成行門中。自文殊師利童子已下。至經末。長科三段。

第一從爾時文殊師利童子從善住樓閣已下。至六十二卷之初。爾時文殊師利菩薩勸諸比丘發阿耨多羅三藐三菩提心已。此一段經名爲創始就根入俗遊歷門。於此門中。分爲兩段。一從爾時文殊師利童子已下。至辭退南行往於人間有二十行半經。明與同行菩薩及常隨侍衛之眾。辭佛南行往於人間分。二爾時尊者舍利弗已下。至成就一切佛法有八十六行半經。明舍利弗等六千比丘隨逐文殊師利南行。在路發心得此一乘法門分。隨文釋義者。第一從初爾時文殊師利童子從善住樓閣出者。明以自法身現根本智樓閣中。起差別智以利眾生。故名爲出。無量同行菩薩者。成助道翼從。共教化眾生故。是萬行主伴。常隨侍衛諸金剛神者。都舉諸侍衛之神。此神之中。約

果法门。令学者不迷其五位之行。使易解故。与后发菩提心者。作修行之样式故。名为就俗利生成行门。为与学者成行样式。令不迷故。更有余意。至下就位方明。从此就俗利生成行门中。自文殊师利童子已下。至经末。长科三段。

第一从尔时文殊师利童子从善住楼阁已下。至六十二卷之初。尔时文殊师利菩萨劝诸比丘发阿耨多罗三藐三菩提心已。此一段经。名为创始就根入俗游历门。于此分中。分为两段。一从尔时文殊师利童子已下。至辞退南行往于人间。有二十行半经。明与同行菩萨及常随侍卫之众。辞佛南行往于人间分。二尔时尊者舍利弗已下。至成就一切佛法。有八十六行半经。明舍利弗等六千比丘随逐文殊师利南行。在路发心得此一乘法门分。随文释义者。第一从初尔时文殊师利童子从善住楼阁出者。明以自法身现根本智。楼阁中。起差别智以利众生。故名为出。无量同行菩萨者。成助道翼从。共教化众生故。是万行主伴。常随侍卫诸金刚神者。都举诸侍卫之神。此神之中。约

有二義。一以諸神所行約自德立名。二約文殊師利之德差別行上以標其德以爲侍衛守護之義。此一段并菩薩神天有三十二眾。通後六千比丘眾以爲四十二眾。以爲四十二種方便行。成就眾生大智慧解脫之海。初金剛神者。法身中普光明智也。智現名神。普爲眾生供養身眾神者。是恭敬義。以廣化身零十方恭敬供養諸佛。引接眾生報得其身端正嚴飾故。足行神者。是精勤教化眾生無疲勞行。風神以摩尼爲寶冠者。表明淨無垢智。能設教義。以風體能吹壞散一切萬物。亦能昇持生長一切萬物。然自無體性所依。以離垢寶冠表之。像法身智慧能說教網散壞煩惱染淨自無所依。以翼爲風教故。餘如經自具。如鳩槃荼王所除餓鬼趣者。此以大囊垂下如冬瓜。坐以踞之行以置之於肩。取像表法。以大悲垂俗荷負眾生無辭勞倦。摩睺羅伽王者。此是腹行大蟒之類。取像表法。以曾腹行是恭敬義。此是守護僧伽藍神。自餘准名下義表之。攸此及文殊師利諸菩薩出自佳處者。隨根接俗也。右邊如來無量帀者。敬順所行。右邊者從南自東至北。是一舍利弗等六千比丘。

有二义。一以诸神所。行约自德立名。二约文殊师利之德。差别行上以标其德。以为侍卫守护之义。此一段并菩萨神天。有三十二众。通后六千比丘众。以为四十二众。以为四十二种方便行。成就众生大智慧解脱之海。初金刚神者。法身中普光明智也。智现名神。普为众生供养身众神者。是恭敬义。以广化身云。十方恭敬供养诸佛。引接众生。报得其身端正严饰故。足行神者。是精勤。教化众生无疲劳行。风神以摩尼为宝冠者。表明净无垢。智能设教义。以风体能吹坏散一切万物。亦能升持生长一切万物。然自无体性所依。以离垢宝冠表之。像法身智慧。能说教网。散坏烦恼染净。自无所依。以巽为风教故。余如经自具。如鸠槃荼王所除饿鬼趣者。此以大囊垂下如冬瓜。坐以踞之。行以置之肩。取像表法。以大悲垂俗。荷负众生。无辞劳倦。摩睺罗伽王者。此是腹行大蟒之类。取像表法。以胸腹行是恭敬义。此是守护僧伽蓝神。自余准名下义表之仿此。文殊师利及诸菩萨出自住处者。随根接俗也。右绕如来无量匝者。敬顺所行。右绕者。从南自东至北是。二舍利弗等六千比丘

隨逐文殊南行段中。復分爲七段。一爾時尊者舍
 利弗已下。至皆是文殊師利說法教化之所成就。
 有十三行半經。明舍利弗及六千比丘。隨文殊師
 利南行分。二爾時尊者舍利弗已下。至白毫相光
 來照其身。從頂上入。有十六行經。明舍利弗勸諸
 比丘。觀察文殊師利隨路行時。十種福相。嚴身及
 道路分。三爾時尊者舍利弗已下。至此諸比丘。願
 得奉觀。有十行半經。明舍利弗讚歎文殊師利十
 無量德。諸比丘。咸欲願見文殊師利。舍利弗爲
 白文殊師利分。四爾時文殊師利童子菩薩已下。
 至願我一切悉當具得。有六行半經。明六千比丘
 頂禮文殊師利。自發大願。請佛證知分。五爾時文
 殊師利菩薩告諸比丘已下。至入如來地。有十八
 行經。明文殊師利菩薩爲諸比丘說十種無疲厭
 法行。不墮二乘地。入如來地分。六諸比丘聞此法
 已已下。至住菩薩心堅固不動。有十六行經。明六
 千比丘聞文殊師利說法。得無礙眼三昧。於一切
 法各得十法解脫門分。七爾時文殊師利菩薩
 勸諸比丘已下。至卷末。有六行經。明文殊師利重
 勸比丘住普賢行。便得不離文殊師利足下。普於

随逐文殊南行段中。复分为七段。一尔时尊者舍利弗已下。至皆是文殊师利说法教化之所成就。有十三行半经。明舍利弗及六千比丘。随文殊师利南行分。二尔时尊者舍利弗已下。至白毫相光来照其身从顶上入。有十六行经。明舍利弗劝诸比丘。观察文殊师利随路行时。十种福相严身及道路分。三尔时尊者舍利弗已下。至此诸比丘愿得奉觐。有十行半经。明舍利弗赞叹文殊师利无量德。诸比丘众咸欲愿见文殊师利。舍利弗为白文殊师利分。四尔时文殊师利童子菩萨已下。至愿我一切悉当具得。有六行半经。明六千比丘顶礼文殊师利。自发大愿请佛证知分。五尔时文殊师利菩萨告诸比丘已下。至入如来地。有十八行经。明文殊师利菩萨为诸比丘说十种无疲厌法行。不堕二乘地。入如来地分。六诸比丘闻此法已已下。至住菩提心坚固不动。有十六行经。明六千比丘闻文殊师利说法。得无碍眼三昧。于一切法各得十法解脱门分。七尔时文殊师利菩萨劝诸比丘已下。至卷末。有六行经。明文殊师利重劝比丘住普贤行。便得不离文殊师利足下。普于

十方佛所悉現身。具足一切佛法分。隨文釋義者。
 六千比丘表信心亦入位故。以十信心十住十行
 十迴向十地十一地路上一時總得故。故云六千。
 前後圍遶。以舍利弗爲主。自餘爲伴。主伴同行。明
 昇進進求正法故。出自住處者。出自聲聞及諸權
 見故。趣求法界大菩提故。遶佛三匝者。順佛正教
 故。遶佛三匝皆是右遶。自南向東向北向西至南。
 如是三匝以爲右遶成法。今人返左行。如是六千
 比丘。是舍利弗同住出家未久。非是羅漢。宿世有
 種皆易發心。經云六千比丘悉曾供養無量諸佛。
 深植善根。解力廣大。信根明徹者。明往昔曾種信
 根。今生信種已熟。舍利弗勸諸比丘令觀文殊師
 利菩薩福德圓光映徹者。是心淨之常光。能令見
 者歡喜。光網者是法網圓滿。明其教光嚴身見者
 滅苦故。文殊師利所行之路左右八步平坦莊嚴
 者。明身心常與八正道俱故。周徧十方皆有道場
 者。化行常滿十方。十方諸佛說法之時。放眉間光
 灌文殊頂者。明文殊師利是十方佛創蒙發心法
 身無相智慧之頂。一切諸佛初發心時入此智慧
 而生佛家故。一切眾生初發菩提心皆以此法身

十方佛所悉现身。具足一切佛法分。随文释义者。六千比丘。表信心亦入位故。以十信心十住十行十回向十地十一地。路上一时总得故。故云六千。前后围绕。以舍利弗为主。自余为伴。主伴同行。明升进进求正法故。出自住处者。出自声闻及诸权见故。趣求法界大菩提故。绕佛三匝者。顺佛正教故。绕佛三匝。皆是右绕。自南。向东。向北。向西。至南。如是三匝。以为右绕成法。今人返左行。如是六千比丘。是舍利弗同住。出家未久。非是罗汉。宿世有种。皆易发心。经云六千比丘悉曾供养无量诸佛深植善根。解力广大信根明彻者。明往昔曾种信根。今生信种已熟。舍利弗劝诸比丘。令观文殊师利菩萨福德圆光映彻者。是心净之常光。能令见者欢喜。光网者是法网圆满。明其教光严身。见者灭苦故。文殊师利所行之路。左右八步平坦庄严者。明身心常与八正道俱故。周遍十方皆有道场者。化行常满十方。十方诸佛说法之时。放眉间光灌文殊顶者。明文殊师利。是十方佛创蒙发心。法身无相智慧之顶。一切诸佛初发心时。入此智慧而生佛家故。一切众生初发菩提心。皆以此法身

無相智慧爲體。一切衆生皆自有之。皆須方便三昧。方能明現故。樹皆實嚴明。因行報生。六千比丘。觀察文殊師利及所聞十種無疲厭法。便獲得無礙眼三昧者。得法身中無相智眼明淨。以執亡見。謝智眼圓通。非肉眼故。身邊等五見亡。法自明矣。卽十方礙盡。初一切法中各明十法。以明三昧力。創始初明。後勸普賢願行。加進一切諸明悉達。此已上明六千比丘發心竟。後明覺城發緣利物。如舍利弗是示現聲聞前已述訖。已上餘義可解之意。如文自具。

校論

第一紙	六行云何下	第三紙	八行法界海	宋
南北藏無爲字	第三紙	南北藏作法海	宋	第
五紙	四行依宋論作住	第六紙	五行見宋論作現	
十方七行根宋論作眼	第六紙	五行見宋論作現		
十方十五行	第十紙	論作我	第十二紙	十五行
明宋論作照	第十紙	論作我	第十二紙	十五行
子藏作	第十七紙	四行者宋論作等	十一行	第十八
紙	一行一切世界明	紙	一行一切世界明	
書藏作	十方世界			

第二漸次南行經歷人間至福城東是文殊入俗人間說普照法界脩多羅門卽在福城東娑羅